

Сэтинньи

25 күнэ

№2

2017



ЧУГДААР



Г.Н. Чиряев аатынан Хоро орто оскуолатын үөрэнээччилэрин хаһыата

СОНУННАР

Алтынньы ый 28 күнүгэр Үөһээ Бүлүүгэ буулдьанан ытыыга күрэхтэһии буолан ааста. РФ ИдМ тэриллиттэ 100 сылыгар анааллаах күрэхтэһиигэ биһиги оскуолаттан Яковлева Т.Н., Горохов С.А., Константинов М.В. ситиһиилээхтик кытыннылар. Ол курдук эр дьонно Горохов С.А. – 1, Константинов М.В. – 2 миэстэлэри, онтон Яковлева Т.Н. дьахталларга тэннээбин булбата.

“Дьиз кэргэнинэн Тобуруокабы ааҕабыт” республиканскай күрэххэ маҕнайгы кылаас үөрэнээччитэ Касьянов Айыллаан уонна кини төрөппүттэрэ Иван Вадимович, Александра Иосифовна кыттан иккис бириистээх миэстэбэ тигистилэр.

Оскуола иһинэн ытыллыбыт “Самый классный классный руководитель” кылаас салайааччыларын күрэбэр начальнай кылаас учуутала Захарова Виктория Александровна кыайыылаабынан ааттанна уонна Хоро орто оскуолатын аатыттан улуус иһинэн ытыллар күрэххэ кыттыыны ылыаба.

2017 сыл Саха Республикатыгар Ыччат сылынан биллэриллбитэ. Хоро нэһилиэгин “Дьулуур” ыччат түмсүүтэ кырдыаҕастарга муус ылан киллэрэн биэрдэ. Барыта 12 массыына муус ылыллан кырдыаҕас дьон тиэргэнигэр сүөккэннэ.

Сэттинньи ый 7 күнүгэр Хоро СК Өктөөбүрүскэй өрөбөлүүссүйэ 100 сылыгар анааллаах түөлбөлэр икки ардыларыгар “Биһиги - Сэбиэскэй былаас оҕолоробут” диэн ааттаах хор күрэбэ буолан ааста. Кыайыылаабынан “Быйан” түөлбө ааттанна уонна Хоро нэһилигин дьаһалтата туруорбут оҕо оонньуур площадкакатынан бириэмийэлэннэ. Иккис миэстэни “Сайды” түөлбө ылан “Хоро” ХЭТ туруорбут бириһин - убаһаны, онтон үһүс миэстэни ылбыт “Кэскил” түөлбө Хоро орто оскуолата анаабыт 5000 солк сертификатын туттулар.

Үөрэнээччи буоллубут



Алтынньы ый 30 күнүгэр “Үөрэнээччи буоллубут” диэн ааттаах маннайгы кылаастарга анааллаах тэрээһин буолан ааста. Быйыл маннайгы кылааска 24 оҕо киирбитэ. Уолаттар уонна кыргыттар диэн тус-туһунан арахсан үөрэнэллэр. 1 “а” кылааска 14 уол үөрэнэр. Учууталлара Алексеева Р.Н., онтон кыргыттар 1 “б” кылаастарын Николашкина С.Н. салайар. Сардаана Николаевна быйылгыттан учуутал уустук идэтин баһылаан эрэр. Төрөппүттэрин иннигэр тугу ситиспиттэрин, билбиттэрин-көрбүттэрин, сатаабыттарын оҕолор чуопчаара сэхэргээтилэр, хогоон аахтылар, суот суоттаатылар, уруһуйдаан да ыллылар. Төрөппүт Л.М. Яковлева бэйэтин санаатын үллэстэр: “Оҕолорбут ааҕар, суруйар буолан эрэллэриттэн төрөппүттэр олус үөрдүбүт. Кырачаан бэйэлэрэ оскуолаҕа дьонуннаахтык тутта-хапта сылдьаллар, билэ-көрө сатыллар, иллээхтэр, үөрэххэ баҕалаахтар. Сардаана Николаевна олус кыһаллымтыа учуутал. Эдэр учууталга үлэтигэр-хамнаһыгар үгүс ситиһиини баҕарабыт, кырачааннарбыт тустарыгар күннэри-түүннэри түбүгүрэр үлэтэ үтүө эрэ түмүктээх буоллун”.

КЭПСИЭХПИН БАҒАРАБЫН

Олохторун оскуолаҕа анаабыттара



Николаев Е.Е., Тимофеева А.Д.

Бүгүн биһиги кэпсиэхпитин баҕарабыт олохторун эдэр көлүөнэ ыччаты иитиигэ, үөрэтиигэ анаабыт кэргэнни учуутал ыал туһунан. Педагогическай үлэ уонна тыыл бэтэрээннэрэ Николаев Егор Варламович уонна Тимофеева Анастасия Дмитриевна тустарынан.

Егор Варламович 1933 сыллаахха муус устар 1 күнүгэр Үөһээ Бүлүү улуунун Кэнттик нэһилиэгэр төрөөбүтэ. 1943 сыллаахха Үөһээ Бүлүү орто оскуолатыгар үөрэнэ киирэр. 1950 сыллаахха сэттэ кылааһы бүтэрэн Бүлүүтээҕи педучилищеҕа үөрэбин салҕаан учуутал идэтин баһылаабыта. Эдэр үлэһити Усуйаана оройуонун Дабаранна оскуолатыгар аныылар. Хаһааччыһа алын кылаас учууталынан үлэли сырыттаһына армияҕа ыңырбыттара. Морской авиацияҕа 3 сыл сулууспалаан баран дойдутугар кэлбитэ.

1958-59 сс. Далыр оскуолатын интернатыгар иитээччинэн үлэлиир. Туобуйа, Онхой, Хоро нэһилиэктэригэр труд, математика учууталынан үлэлээбитэ. Эдэр көлүөнэни иитии-үөрэтии эйгэтигэр 46 сыл үрдүк суобастаахтык, ситиһиилээхтик үлэлээн кэлбитэ, итинтэн 25 сыла Хоро орто оскуолатыгар ааспыта. Егор

Варламович сайынны үлэ лаабырыгар от кэмигэр элбэх сыл устата наставнигынан үлэлээбитэ. Үгүс оҕону үлэҕэ-хамнаска үөрэппитэ. Билигин төһө да сааһа 84-дэ буоллар, хас биирдии ииппит-үөрэппит оҕотун санаталаан кэлэр, ситиһиилэриттэн үөрэр.

Бочуоттаах сынньаланна олордор да, күннээҕи олох түбүктэриттэн туора турбат. Араадыһа, тэлэбиисэр сонуннарын болҕойон истэр, сиэннэрин көрөр-истэр. Политика боппуруостарын ырытан, мөккүһүн да сөп. Сөпкө аһаан-сиэн, танна-сапта сылдыһы, чөл олоҕу тутуһуу – доруобай, чэгиэн буолууга диэн аҕа киһи быһыытынан эдэр дьонго сүбэлиир.

Тимофеева Анастасия Дмитриевна 1938 сыллаахха тохсунньу ый 25 күнүгэр Үөһээ Бүлүү Дүллүкү нэһилиэгэр күн сириг көрбүтэ. Бииргэ төрөөбүттэр биэстэр, кини иккис оҕо. 1964 сыллаахха Бүлүү педучилищетын бүтэрэн, учуутал идэтин баһылаабыта. Үлэтин Туобуйа оскуолатыттан саҕалаабыта. Алын кылаастарга нуучча тылын үөрэппит. Онхойго аҕыс кылаастаах оскуолаҕа саха тылын учууталынан уонна завучунан үлэлээбит. Егор Варламовичтыын 1966 сыллаахха ыал буолан алаһа дьиэ тэриммиттэр.


1975 сыллаахха Хороҕо көһөн кэлэн олохсуйан, ситиһиилээхтик үлэлээн, дьон-сэргэ убаастабылын ылбыттара. Анастасия Дмитриевна дьаһаллаах, эппиэтинэстээх хаачыстыбатын таба көрөннөр интернат сэбиэдиссэинэн, нэһилиэк сэбиэтин сэкэрэтээринэн анаан үлэлэппиттэрэ. Үлэтигэр түүннэри-күнүстэри, утуйар уутун аахсыбакка сүүрэр-көтөр этэ. Үлэлиир кэмнэригэр интернат иитэр-үөрэтэр үлэҕэ соцкуоталаһыыга бастакы миэстэни ылан оройуон хаһыатыгар тахсан турар.

Анастасия Дмитриевна оскуола музейын бастакы тэрийээччитинэн, саҕалааччытынан буолар. Бу үлэлиир сылларыгар драмкружогу салайан үлэлэппитэ. 1992-1993 үөрэх сылыгар оскуола иһинэн “Дьобур” корпост тэриллэн үлэлээбитэ. Бу түмсүүгэ оҕолор дьүһүйүүлэри, сонуннары, очеркалары, ытыс саҕа кэпсээннэри, хоһооннору суруйаллара.

Дьэ, ити курдук Егор Варламович уонна Анастасия Дмитриевна Хоро ыччата үүнэригэр-сайдарыгар, үөрэхтэнэригэр бэйэлэрин дьонун кылааттарын киллэрсибит үтүөлээх учууталлар.

Хобусаров С.Р., саха тылын уонна литературатын учуутала.

Үөрэҕи, спорду дьүөрэлээн



Бу күһүн биһиги оскуолабытыгар сана уол үөрэнэ кэлбитэ. Көрөргүт буолуо, элбэх саната-ингэтэ суох, куруук тугу эрэ ырааҕы, киэни толкуйдуур курдук тутта сылдыар сэмэй уолу. Кини аата Федотов Ильдар, 8 «а» кылаас үөрэнээччитэ, сааһа 14-дэ. Төрдө Сургуулуктан төрүттээх, 3 кылаастан Дүллүкү орто оскуолатыгар үөрэммит. Быйыл Хороҕо үөрэнэр. Үөрэҕэр хорошист. Спордунан утумнаахтык дьарыктанар. Үөрэбиттэн быыс булан иллэн кэмигэр атаах оонньуурун, волейболлуурун, баскетболлуурун, футболлуурун уонна кибер-спордунан дьарыктанарын сөбүлүүр. Хоһоон суруйар эбит өссө. Нуучча тылын уонна литературатын учуутала Үйэ Семеновна салалтатынан маннайгы хоһоонун 6 кылааска үөрэнэ сылдьан суруйбут. Ордук нууччалыы тылынан суруйарын ордорор. Алын кылаастарга ырыаҕа дьарыктаммыт буолан, музыка уруогун интэриэһиргиир. Ильдар улааттаһына бизнесмен буолуон баҕарар.

Время

День за днем летит, как ветер,
И кричит, и кричит время,
И не угнаться мне за ним.
Он, как конь, в степи бежит,
Быстротой своей маня.
И сверканием солнца света
На крыле своем неся,
Он зовет и манит
В даль неистовых мечтаний.
Там, где нет печали и страданий,
И гонюсь я за тобою,
И лечу я за тобою.
Этот город, это время
Мне никак не догнать,
Жизнь кипит, бурлит,
А время неистово летит.

Бэлэмнээтэ Наташа Константинова

“Тыгын Дархан” киинэ уһуллар



“Сахафильм” киинэ хампаанньата саха норуодунай суруйааччыта В.С. Яковлев-Далан арамааныгар олобуран 2016 сылтан саҕалаан “Тыгын Дархан” диэн ааттаах уус-уран киинэни устууну саҕалаабыта. “Тыгын Дархан” киинэ режиссера Никита Аржаков. Кини көрөөччүлэргэ “Снайпер саха”, “Журавли над Ильменем” уонна “Хара мааска” диэн киинэлэринэн биллэр. Киинэ 2018 сыл бүтүүтэ тахсыахтаах.

Тыгын Дархан диэн кимий? Тыгын Дархан — Өлүөнэ өрүс орто сүүрэнигэр уонна Бүлүүгэ бэйэтин былааһын тарҕаппыт, XVI-XVII үйэлэр быыстарыгар олоро сылдыбыт сахалар ыраахтаабыларынан билиниллэр Ханалас аҕа ууһун баһылыга. Линденау суруйарынан, Тыгын үс олохтоох эбит. Маннайгыта Алаҕана уонна Куллаты үрэхтэрин икки ардыгар баар эбит. Иккиһэ Табаҕа күөлүн аттыгар, үсүһэ Сайсары күөлүн таһыгар, билинни Дьокуускай куорат турар сиригэр баара.

Страленберг диэн чинчийээччи сахалары собурууттан Дэнси Тархан Тегин баһылаан аҕалбыта диэнигэр олобуран, Окладников тыгыннар сахаҕа уруккуттан бааллара диэн дакаастыыр уонна

историяҕа биллэр Тыгын бу үрдүк солону ылбыт биир эрэ киһинэн буолар диэн этэр. Эмиэ Страленберг этиитигэр тирэбирэн, улуу академик Тыгын диэн тыл былыргы түүрдэр "тегин" диэн терминнэрин кытта бииригэр туох да саарбах суох диэн этэр.

Киинэни алта улуус сиригэр-уотугар устуохтара. Биһиги энэр Ньурба сиригэр ыһыах түгэнин бу сайын кэлэн устан барбыттара. Барыта үс тыһыынча кэринэ киһи кыттыыны ылбыт. Биһиги оскуолабытыгар 7 кылааска үөрэнэр Алина Акимова бу киинэҕэ хайдах уһуллубутун туһунан бу курдук сэхэргиир. “Бу сайын Ньурба улуугар киинэ уста кэлбиттэрэ. Ньурба тыаларыттан барыларыттан дьоннор киирбиттэрэ. Биһиги Үөдэй диэн ааттаах дэриэбинэбиттэн отучча буолан уһуллубуппут. Танаспыт-саппыт, иһиппит-хомуоспут барыта былыргылы, оччотооһу кэм быһыытынан. Ас-үөл эмиэ. Танаспын бэйэм эдьийбэр тиктэрбитим. Үс күн устата тура тэбинэн туран сырыттыбыт. Ыһыахха оһуохайдырбытын, кыыс сырсыытын энин курдук түгэннэри уһуллулар. Киинэҕэ уһуллар интэриэһинэй эбит”, – диэн бэйэтин санаатын үллэстэр.

Лана Евдокимова

ЧИНЧИЙЭР ҮЛЭ

«Инникигэ хардыы» научнай-практической конференция

Сэттинньи ый 15 күнүгэр «Инникигэ хардыы» научнай-практической конференция бастакы түһүмэҕэ буолан ааста. Биһиги оскуолаттан барыта 19 оҕо бэйэтин чинчийэр үлэтин көмүскээтэ. Ол курдук 12 секция үлэлээбиттэн биһиги оҕолорбут 10 секцияҕа ситиһиилээхтик кытыннылар, барыта 9 кыттааччы үлэтэ биһирэнэн, салгы иккис түһүмэххэ кыттар быраабы ылла. Улуус оскуолаларын үрдүнэн, бириистээх миэстэҕэ тиксибит оҕолорун ахсаанынан, биһиги оскуола иккис миэстэҕэ табыста. Урукку сылларга холоотоххо, оҕолор чинчийэр хайысхалара кэнээбитэ, сана сонун теманы ылсан үлэлээбиттэрэ кэрэхсэбиллээх. Кэлинни кэмнэ педагогика уонна психология, техника уонна технология хайысхаларыгар утумнаах үлэ барар буолан, оҕолор бу эйгэҕэ балай эмэ ситиһиилэннилэр.

«Инникигэ хардыы» научнай-практической конференция иккис түһүмэҕэ Бүлүү куоракка ахсынньы ыйга буолара былааннанар. Оҕолорго уонна салайааччыларга айымньылаах үлэни, ситиһиини баҕарабыт.

№	ФИО	Класс	Тема	Секция	Руководитель	Место
1	Герасимова Инна Иннокентьевна	9	"Задача с параметрами ОГЭ"	Математика	Семенова Анна Васильевна	3 место
2	Явловская Анна Михайловна	10	"Школа будущего фитотерапевта"	Биология и медицина	Васильева Татьяна Лукинична	1 место
3	Семенова Аиза Михайловна	8	"Дополнительный источник дохода от реализации меда или одуванчика и шишек сосны"	Общественные науки	Васильева Татьяна Лукинична	1 место
4	Константинова Наталья Порфирьевна	10	"Саха ынаҕа - өбүгэ бэлэбэ"	Биология и медицина	Васильева Татьяна Лукинична	3 место
5	Попова Маргарита Васильевна	8	"Пропаганда ЗОЖ"	Педагогические и психологические науки	Иванова Туяра Валерьевна, Аммосова Елена Николаевна	3 место
6	Егорова Мотрена Александровна	9	"Переводы сонетов У. Шекспира"	Филология	Иванова Жанна Юрьевна, Иванова Галина Петровна	1 место
7	Горохова Айталиа Степановна	8	"Шкатулки"	Культура и искусство	Семенова Сахалита Иннокентьевна	2 место
8	Константинов Рудольф Ильич	9	"Зарядка аккумулятора трактора МТЗ-82"	Техника и технологии	Семенов Владимир Семенович	1 место
9	Николаев Александр Александрович	8	"Исследование морозостойкости зимней обуви"	Физика и астрономия	Феофанова Светлана Степановна	1 место

Иванов В.В., директоры научнай-методической үлэҕэ солбуйааччы

НЭҢИЛИЭКПИТИГЭР

Хорожо Улуу Октябрьскай революция 100 сылын көрсө тэрээһиннэр

Сэтинньи ыйы биһиги нэһилиэк дьоно-сэргэтэ, эмэниттэн кырдыаһыгар тийэ, өрө көтөбүллэн туран саҥалаатыбыт. Норуот сомоҕолоһуутун күн киэһэ кулууп дьиэбэ нэһилиэкпит депутаттара бары биир сомоҕо буолан, саха саарына, норуот олохун муударай, модун поэзиятын барбарда байыппыт, оҕотуттан кырдыаһыгар диэри дьон бүтүүнүн тапталын ылбыт народнай поэт, биир дойдулаахпыт, Бүөтүр Тобуруокап төрөөбүтэ өрөгөйдөөх 100 сылыгар аналлаах эбэрдэ кэнсиэри көрдөрдүлэр.

Быйыл Улуу Октябрьскай революция 100 сылын көрсө Хоробут нэһилиэгэр олус сэргэх тэрээһиннэр ытытылыннылар. Ол курдук, олохтоох библиотека дьиэтигэр «Комсомол – биһиги эдэр сааспыт!» диэн ааттаах Хоробут нэһилиэгэр комсомол халын кэккэтигэр үлэлээн ааспыт, оҕо саастарыттан комсомолга киирэн, иитиллэн, үлэлээн-хамсаан, комсомольскай уонна салайар үлэлэргэ буһуу-хатыы оскуолатын ааспыт, биһиги нэһилиэккэ убаастанар, ытыктанар комсомол ветераннарын, активистарын кытта Г.Н. Чиряев аатынан Хоро орто оскуолатын үүнэн эрэр көлүөнэ президенскэй састаабын оҕолоро уонна Хоро нэһилиэгин «Дьулуур» ыччатын түмсүүттэн ыччаттар (лидер Еремеев С.Г., солбуйааччы Чурукова Н. И.) төгүрүк остуол тула олорон ааспыт ахтыһан, дуоһуя сынньанан тарҕастылар. Ыччат өй-санаа, үөрэх-билии уонна эт-хаан өттүнэн сайдарыгар, билиигэ-көрүүгэ тардыһытыгар комсомол ураты суолталааһын өйдөөтүлэр.

Бу өрөгөйдөөх даатаҕа анаан А.Д. Филиппов аатынан культура дьиэтигэр анал быыстапка тэриллэн элбэх дьон сэнээриитин ылла. Инники этиллибит тэрээһиннэри кэккэ Сэтинньи сэттистиир күүрээһиннээх күнүгэр анаммыт киэһэбэ биһиги үрдүкү сыанаттан чиэстээтибит нэһилиэкпитигэр сэбиэскэй кэмнэ төрөөн, иитиллэн, үлэлээн-хамнаан ааспыт хомуньуустарбытын, комсомол ыччаттарын уонна хомуньуум идиэйэлэрин, марксизм-ленинизм үөрэҕин өйөөн ол кэмнээҕи совхоз күүстээх үлэтигэр үрдүк таһаарылаахтык үлэлээн ааспыт дьоммутун. Салгыы Хоротооҕу хааччахтаммыт эппиэтинэстээх табаарыстыба (салайааччы А.П. Яковлев) ынырыгытын ылынан, олохтоох дьаһалта (баһылык С.Н. Чиряев) өйөөһүнүнэн «Биһиги – Сэбиэскэй былаас оҕолоробут!» диэн девизтаах нэһилиэкпит түөлбэлэрин икки ардыларыгар патриотическай хабааннаах ааспыт кэм ырыаларыгар, биирдиилээн ырыаһыт уонна хор күрэхтэ ытытылынна, бүтүн нэһилиэк дьоно-сэргэтэ Улуу Өктөөп бырааһынньыгын уруйдаан-айхаллаан көрүстэ. Күрэххэ барыта 30-40-лыы улахан дьон кыттылаах 6 түөлбэ ыллаабытын түмүгэр бастакы бочуоттаах миэстэбэ «Быйан» түөлбэ (сал. Яковлева Т.Н.) дьон-сэргэтэ тиксэн, түөлбэлэригэр олохтоох дьаһалта анаабыт Оҕо оонньуур площадкатынан наҕараадаланан үөрүүлэрэ үксээтэ. Иккис бириистээх миэстэбэ сайдам санаалаах «Сайдыы» түөлбэ (сал. Петрова Н.А.) ырыаһыттары Хоротооҕу хааччахтаммыт эппиэтинэстээх табаарыстыба (салайааччы А.П. Яковлев) туруорбут убаһатын ыллылар. Үһүс миэстэбэ «Кэскил» (сал. Иванова Г.П., Николаева К.И.) түөлбэ түмсүүлээх дьон Г.Н. Чиряев аатынан Хоро орто оскуолата анаабыт 5000 тыһыынча сууммалаах сертификат хаһаайыттары буоллулар. Биирдиилээн ырыалыын ыксаласпыт ырыаһыттар икки ардыларыгар кыайылаах үрдүк аатын биһиги саҥа тахсан эрэр талааннаах эдэр ийэ М. Базюк ылла, иккис миэстэбэ килбик кэрэ куоластаах кийииппит Л. Саввинова, үһүс миэстэбэ П. Петров тиксэн үөрэн-көтөн тарҕастылар. Түгэнинэн туһанан ынырыгытын ылынан, күрэхпитин кэлэн дьүүлээбит биир дойдулаахтарбытыгар Степанов Г.А., Николаев Н.Н., Борбуев С.О. махтал истин тылларын аныыбыт. Ону тэнэ күрэхпитин баян истин тыаһынан киэргэппит, баянныан ырыаһыттары доһуоһулаабыт, өр сылларга бииргэ алтыһан үлэлээбит коллектабытыгар, М. Чоросовка Хоро нэһилиэгин дьонун-сэргэтин аатыттан махталбытын биллэрэбит.

Т. Егорова, эбии үөрэхтээһин уһуяана

УМУЛЛУБАТ ӨЙДӨБҮЛ

Манчаары оонньуулары – Үөһээ Бүлүүгэ

Саха омук национальнай геройа, саха литературатын бастакы айымньыларын сүрүн персонаһа, норуокка киэнник биллибит олонхоһут уонна тойуксут, батталы, атаҕастабылы утары батаһын өрө ууммут үрүмэччи манан аттаах Манчаары Баһылай уобараһа уус-уран литератураҕа кини өссө тыыннааҕар, XIX үйэ ортотугар киирбитэ. Быйыл биһиги улууспутугар XX-ис Манчаары оонньууларыгар кытынныбыт. Бастаан Хороҕо бэс ыйын 15 күнүттэн саҥалаан лааһырга эрчиллибиппит. Салайааччыбыт Семенова Татьяна Васильевна, «Алаас симэбэ» үгкүү ансаамбылын салайааччыта этэ.

Бэс ыйын 29 күнүгэр Хороттон 96 оҕо буолан Үөһээ Бүлүүгэ бэлэмнэнэ киирбиппит. Улууспут араас оскуолаларыттан сүүһүнэн оҕо мустаммыт бэлэмнэнэн барбыппыт. Улахан уонна кыра бөлөхтөргө араарбыттары. Гимназия пансионатыгар 40 кыыс буолан түспүппүт. Уолаттар №2 нүөмэрдээх оскуола спортзалыгар түспүттэрэ.

Бастаан эрчиллэрбитигэр ыарахан курдуга, итиитэ-буһуута, куйааһа. Аһаҕас халлаан анныгар күнү быһа эрчилли. Генеральная репетициябытын Үөһээ Бүлүү олохтоохторо кэлэн астына дуоһуя көрбүттэрэ. Сарсынны күнүгэр, ол эбэтэр от ыйын 6 күнүгэр, XX-ис Манчаары оонньууларын арыллытыгар долгуйа, үөрэ-көтө үгкүүлээбиппит. Араас ырыа, үгкүү олус элбэх этэ. Этэннэ үгүгэйдик кыттан, элбэх оҕолору кытта билсэн уонна улаханник астынан Хоробутугар кэлбиппит. Бу 2017 сыл сайына оҕолорго умнуллубат түгэни бэлэхтээн ааста. Манчаары оонньууларыгар кыттыыны ылбыппыт оҕо сааспыт биир умнуллубат кэрэ-бэлиэ түгэнэ.

Айта Горохова



Редколлегия: хаһыат кылаабынай эрдээктэрэ: Хобусаров С.Р.
Корреспонденттар: Павлова Алина, Евдокимова Лана, Титова Саня,
Константинова Наташа, Анисимова Настя, Степанова Ньургуйа, Кочнев Данил

Хаһыат ыйга биирдэ тахсар.
Биһиги аадырыспыт: 678233, Хоро н., Октябрьскай уул, 5